

ARUWANUWEN MWIICHENAP

A SUK ME FIS WON MOEN IS. TRUK STATE F.S.M. NON SARINEAN

ARUWANUWEN MAY ENGOROW TIWEPUKU WANIK ME EW

NAMOPUNG NO.: 1-144

EW NAMOPUNG

A awora ukukun \$15,000 seni ewe Monienapen ewe Legislature-un Chuuk ren fan asengessin monien an chon atake, attaw me handicraft we ranin Kimpiokai, me pwan ren ekkoch popun.

Epwe pung me ren ewe Legislature-un Chuuk.

Tetten 1. Iei a kawor ukukun \$15,000, ika fite ukukun mei namot ren an epwe tongeni naaf, seni ewe Monienapen ewe Legislature-un Chuuk ren fan asengessin monien an chon atake, attaw me handicraft we ranin Kimpiokai.

Tetten 2. Ei ukukun moni mei kawor non Tetten 1 epwe einet ika no-ngeni ewe State Director-un Resources and Development, ewe epwe wisen tumunu nounoun me mwokutukutun ewe moni fan iten ewe Kepina ren an epwe chok fiti meta mei affat me non Tetten 1 ren sakkun mwokutukutun ewe moni, iwe esap pwan wor katoun me nounoun ei moni epwe napseni ei ukukun mei kawor. Met ukukun ei moni esemwo it ne nounouw ika esemwo nussuno non September 30, 1982, epwe niwin sefan ngeni ewe Monienapen ewe Legislature-un Chuuk.

Tetten 3. Ewe Director epwe awora an report won napanapen nounoun me mwokutukutun ei moni ngeni ewe Legislature me mwen April 15, 1982, epwe affatatiw:

(1) unusen porausen nounoun ewe moni fongon me ukukun nussun mei chiwen wor non April 1, 1982;

(2) met sakkun atoot ika napanap ren ewe nussun moni esemwo nounou tori non April, 1982, an epwe nounou non met ukukun nussun ewe Fiscal Year nge och sotosopun repot epwe kawor nefinen 20 ran me murin saponon ewe Fiscal Year ngeni ewe Legislature ika ew committee mei finita, epwe afatatiw napanapen nounoun me mwokutukutun ewe moni; pwan

(3) awora napanapen ukukun moni epwe kawor ren fan asengessin an chon atake, attaw me handicraft we ranin kimpiokai non fiscal year 1983.

Tetten 4. Ei Namopung epwe poputa pochokunan non October 1, 1981, ika a kapunguno me ren ewe Kepina, ika pusin an winiti annuk nge esemwo kapunguno.

Sain seni: Tadashi C. Wainit, Speaker
Truk Legislature

Pwinin maram: 1983

